



साःगु भिंगु मरिचरिया निति लुमंका दिसें !

लक्ष्मण जमाल 'विलमि' प्रोप्राइटर

लाखा छेँ
LAKHA CHHEN

सोन्हखुटे, वडा नं. १६, येँ, फोन नं.: ४३६०७५८

वाङ्मय शताब्दी पुरुष संस्कृतिविद् डा. जोशी मन्त

'वय्कःया बिचाः स्वाकातय् माः'



वाङ्मय शताब्दीपुरुष
डा. सत्यमोहन जोशी

मृत्यु शास्वत सत्य खः। मनुतयूत न्ह्याक्व हे मययूमा, जन्म जूपिं हरेकया छन्दु मृत्यु जु हे जुइ। बाङ्मय शताब्दी पुरुष सत्यमोहन जोशी, वय्कः अफ् म्वायूमा, वय्कःयाके दुगु ज्ञान भीसं अफ् फया कयाचवने खनेमा धइगु ला सकसिगु मनय् दुगु खः। सकसिनं वसपोलया भिं उसाँय्या कामना नं याःगु खः। न्हापा न्हापा म्हं मफयाः अस्पताल वनाः गुकथं थःगु छैय् लिहांभाल, अथे हे थुगु पालय् नं धिसिमिसि धाय्काः लिहा. भायूमा धइगु सकसिनं मन्तुगु खः। तर, अन्ततः वय्कःया देहावसान जुगु दु। किस्ट अस्पतालय् वासः याकेगु इवल्य् वंगु आइतबाः वय्कः मन्त। आइतबाः सुथसिया ७:०९ ताः इलय् वय्कलं थुगु संसार त्याग यानादिल। वय्कःया उसाँय् स्यनावबलय् वंगु असोज ७ गते वय्कःयात अस्पताल भर्ना याःगु खः। वय्कःया छातिइ

निमोनियालिसें प्रोस्टेटया समस्या खनेदुगु खः। अस्पताल भर्ना जुयाः हि परिक्षण याःबलय् वय्कःयाके डेंगु संक्रमण नं पुष्टि जुगु खः। अस्पताल भर्ना यानाकथं वय्कःयात आइसीयूलय् तथाः वासः यानाचवंगु खः। दथुइ उसाँय् भचा भिना नं वःगु खःसा छुं ई आइसीयू कक्षं वाड्यु सिफ्ट याःगु खःसा तुरन्त हे हाकनं उसाँय् स्यनावबलय् आइसीयूलय् हे तःगु खः।

वय्कलं थःगु जीवनकालय् चिकित्सा विज्ञानया विद्यार्थीतय् अध्ययनया निति धकाः थःगु दक्व अङ्ग किस्ट अस्पतालयात दान यानाछुगु खः। २०७७ माघ ३० गते यल महानगरपालिकाया रोहवरय् थःगु शरीर अध्ययनया लागिं किष्ट अस्पतालयात बीगु सम्भौता यानाछुगु खः। अस्पतालया निर्देशक प्रा.डा.सुरज बज्राचार्य थःपिन्सं सत्यमोहनया शरीर संरक्षण अले अध्ययन याय्गु ढाँचा

न्हापा हे तयार याय्धुनागु धयादीगु दु। अस्पतालं जोशीया पार्थिव शरीर सुरक्षित तयातयूत इन्जेक्सनमार्फत् नसां वासः ब्यूगु दु। उगु वासः शरीरय् दुहांवनेधुंकाः २५दँ -३० दँतक सीम्ह छुं हे मजुइगु धाःगु दु।

अध्ययनया निति धासें थःगु शरीर किस्ट अस्पतालयात बीधुकूगु जूगुलिं वय्कःया लिपांगु संस्कार याय्गु इवल्य् वय्कःया सीम्ह उइगु ज्या मजू। बाङ्मय शताब्दी पुरुष जोशीया जातः च्याकाः वय्कःया अन्त्येष्टि याःगु खः। जोशीया तःधिकःम्ह काय् अनुराज व चीधिकःम्ह काय् डा. पूर्णराज आइतबाः सनिलय् ६:१४ ताः इलय् शंखमूलस्थित बागमती घाटय् जातः च्याकाः अन्त्येष्टि याःगु खः। वयां लिपा जातःया खरानी व जोशीया लं बागमती खुसिइ चुइकाछवःगु खः। व इलय् जोशीया निम्ह काय्लिसें जोशीया आत्मकथा च्वमि गिरीश गिरी



सत्यमोहन जोशी शरीर दान यानादीगुलिं नेवाः परम्पराकथं शंखमूल घाटय् जातः च्याकाः अन्तिम संस्कारयासें काय्पिं अनुराज व डा. पूर्णराज जोशी।

स्वम्ह जक दुगु खः।

वय्कःया जातः च्याकेगु खँय् गुलिंसिनं जोशीया जातः मच्याकूसे सुरक्षित तयातयूमाःगु धाःगु खः। थ्व खँय् वय्कःया जातः

सुरक्षित हे दुगु धाय्फइ। धाथेया जातः च्याकाछवःसां जोशी समाजं न्हापा हे वय्कःया जातः प्रतिलिपि दय्कातय् धुकूगु दु। राजाराम जोशीया कार्यकालय् समाजया छू ज्याइवल्य् शताब्दी पुरुष जोशीया हे जातःया ताम्रपत्र दय्काः वय्कःया लःल्हासें सम्मान याःगु खः।

जातःया खँय् ला छुं खँ मन्त, तर गुकथं छम्ह युगपुरुषयात विदाइ बीगु ज्या जुल, व धाःसा राज्य व स्वंगुलिं तहया सरकारलिसें जोशीलिसें सम्बन्धित सकलसिनं बिचाः यायूमाःगु पक्ष खः। छम्ह शताब्दी पुरुष, युगपुरुषया विदाईया नितिं यायूगु थुलि हे खः ला ? वय्कः छम्ह राष्ट्रिय व्यक्तित्व खःकि यल महानगरपालिका स्तरीय व्यक्तित्व खः ? मेमेपिं गुलिखे मनुत मनुबलय् लिपांगु श्रद्धाञ्जली देखायूत सीम्ह प्रज्ञा भवन प्राङ्गणय् तय्धुकल। न्हापा न्हापा उकथं सीम्ह तःपिं मनुतयूत स्वयंबलय् वय्कःपिनिगु व्यक्तित्वया जाः स्वयां ल्यं ७ पेजय्




वाङ्मय शताब्दीपुरुष डा. सत्यमोहन जोशीयात अन्तिम श्रद्धाञ्जली देखासें प्रधानमन्त्री शेरबहादुर देउवा।

न्याय मन्वत् ११७९ न्हूदँया निंनुना

नेपाःया मौलिक राष्ट्रिय संवत् नेपाल संवत् ११४३ न्हूदँया लसताय् बसन्तपुलिं सुथय् न्ह्याइगु सांस्कृतिक च्यालिइ ब्वति कयादीत सकलसित इनाप यानाचवना।

प्रा. डा. नरेशमान बज्राचार्य
नायः

नेपाल संवत् न्हूदँ राष्ट्रिय समारोह समिति - ११४३



ज्याइवः

नेपाल संवत् ११४३
कछलाथ्व पारु
कार्तिक ९ गते बुधवाः
सुथसिया ७ ताः इलय्
बसन्तपू येँ।



नेवाः राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छ्मू जातितय् स्वायत्त राज्यं लुइ कपं चव्यु भिलिमिलिं राष्ट्र भःभः धाय्क न्त्याके भीगु चःतिं भीगु हिं

जिगु नुगलय् च्वंम्ह सत्यमोहन



राजेन मानन्धर

मनूत गुलि म्वाइ ? म्वाय्यु धइगु हे सीत खःसां सीगु धइगु सुयातं मयः । तर सु गबलय् सी धइगु सुनां मस्यु । गुम्ह लाइमखुत धकाः अस्पतालं लिताच्छ्वयाहःम्ह दं दं धिसिलाक्क म्वानाच्चनी, गुलिं छुं म्वाःम्ह लुफिं जक हानाः नं मद्ययः । उकिंला मृत्यु धइगु छ्मू अज्याःगु अनिश्रितता गुगु गबलें निश्चित जुइमखु धाइगु ।

नेपालीत म्वाइगु धइगु हे अप्वलय् ७२दँ धाइ । उकी स्वचकं ला थ्व उमेर तक थ्यनी हे मखु, गुलिं कुपोषण वनी, गुलिं, वासः याके मखनाः वनी, गुलिं भवितव्यय् लाइ । गुलिं गुलिं जक जंक्व याय्खनी, व उमेर तक थ्यन कि ला छः थें मानेयानातइ, अथवा धाय्गु खःसा उकियात अपवादया रूपय् काइ । उकिंसं सछि दँ थ्यनेगु धइगु ला च्यागु आश्चर्य हे धाःसां ज्यू । भीगु देशय् आः सछि दँ पुलेधुंकीपिं शायद पतिंचाय् ल्याःखाय्त हे जक दइ जुइ । उकिंसं पूरा होस हवासय् ल्याय्म्हया जोश पिकयाः थी थी समाज सेवाय् तक संलग्न जुयाः म्वानाच्चनीं भन्नु गुलिं दु जुइ ? भी वाडमय शताब्दी पुरुष, संस्कृतिविद् व साहित्यकार डा. सत्यमोहन जोशी छम्ह अज्याःम्ह हे अपवाद जुयाः भी न्त्यःने म्वानावन, गुम्ह १०२ दँया उमेरय् तक यक्वसिया लागि प्रेरणा जुयावन ।

आइतबाः सुथय् वय्कः मन्त धइगु न्येमाःबलय् छभ्नाःला निःशब्द, स्तब्ध अले सिमां कुतुवःम्ह थें हे जुल । खतुं थ्व अथे अप्रत्याशित ला मखु, अज्याःगु आश्चर्यजनक उमेर, उकिंसं तःहाकः हे मफयाच्चंम्ह अले सिकिस्त धकाः हे स्वनहु न्त्यःनिसें खबर वयाच्चं ग । भीसं स्यू भी सीमानि धइगु, तर मदइगु धइगु सह याय् थाकुइगु खनी । मदइगु धइगु मदइगु हे जुयाच्चन । थौं वय्कः मदय् धुंकाः वय्कःया बारे छुं छुं च्वय्त मन वनाच्चन । थ्व लेखय् जिं वय्कःया जीवनी, योगदानया विविध पक्ष अले उकिया लिच्चः समाजय् गुकर्ण लात धकाः धयामच्चन । अज्याःगु खँ छुपु चिकीहाकःगु लेखय् तय् सम्भव मदु, अले जिंके उलिं याय्गु क्षमता नं मदु । अथेसां थन जिगु व्यक्तिगत स्वापूयात छुं भवा लुमकेगु कुतः याय् ।

सत्यमोहन जोशीया नां मचां निसें हे न्यानतायागु । गन न्हापा न्हापा भाषण याःगु वा उद्घाटन वा विमोचन याःगु नं खना जुइ । तर प्रत्यक्ष नापलानागु धाःसा नेपालभाषा स्नातकोत्तर वनाच्चनबलय् ने.सं. १११८ पाखे खः । अबलय् लोक साहित्यया बारे न्येकने याय्त धकाः जिपिं दक्क विद्यार्थी वय्कःया छँय् हे वना । व पवित्र थासय् न्हापांगु पलाः जिगु । नेपालभाषा, नेपालभाषा साहित्य व उकी लोक साहित्यया बारे गहन विश्लेषण यानाः जिमित कनादिल ।

जिपिं प्रभावित मजुइगु खँ हे मजुल । भीगु समाजय् थुलिमछि खँ सफू बनेथें छ्मः आखः मद्वकं बिचाः हे मयाःसे फररर कनेफुम्ह मनु नं दु खनी, थथे मतिइ वःगु जितः । अनं लिपा जि पत्रकारिताया इवलय् कला संस्कृतिया बारे छुं च्वय्त वय्कःयाके वनाः न्येकनेगु याना । वय्कलं मस्युगु धइगु छुं मदु, न्त्यागु खँ न्त्याबलें न्येसां तत्काल हे विस्तृत व गहन ढंगं लिसः बियादीगुलिं जितः जिगु च्वज्याय् यक्व ग्वाहालि जुल । वय्कःया हे प्रेरणां नेपाःया संस्कृतिपाखे च्वसा न्त्याकेगुपाखे प्रेरणा जूवंगु खँ नं थन न्त्यमथेंसे मगाः ।



सन् २०१२ पाखे डेनमार्क चाःहिलेगु अवसर दत । अनया लुमान्तियात भ्वंतय् ल्यत्यल्यं सफूया हे रूप काल । जितः थुकियात प्रकाशन याय्गु हौसला बियादिल लिबि च्वसा दबूया शाक्य सुरेनजुं । सफू “न्यामिसाया देसय्” विमोचन याय्त जिमिसं सत्यमोहनजुयात ल्यया । जिपिं निम्हं सफूया पाण्डुलिपिया फोटोकापि च्वनाः वना । जि नर्कतिनि सफू च्वयास्वयाम्ह नच्चाह च्वमियात छु पत्याः याइ धकाः च्वनां ला, धाय्वं हे वय्गु बचं बियादिल । अले सफू ब्वनाः उकियाबारे छुं नवाय्गु तर्क आशवासन बियादिल । जि छकलं सर्गतय् थ्यन । वय्कःया ल्हातिं जिगु सफूया विमोचन याकेखनाः जि धन्य जुल । धायें वय्कलं प्यन्हु-न्यान्हुया दुने सफू ब्वनाः उकिया थी थी प्रसंगया चर्चा तकं वय्कलं यानादिल । जि न्हापा नेवाः भासं राजनीतिक व सामाजिक विषयय् आलोचनात्मक लेख च्वयाच्चनानागु जक ब्वनातःगुलिं जुइ, जिगु सफूयात तःधंगु उपलब्धिया रूपय् वय्कलं न्त्यब्वयादिल । शायद व छम्ह न्हूम्ह च्वमियात हःपाः बीगु वय्कःया तीरका जक नं खय्फु, तर जिं धाय् वय्कलं उलिं जितः म्वाकाद्युगुलिं हे जिगु च्वसा थ्व ख्यलय् न्त्याना हे च्वन । व धुंकाः नं इलय् ब्यलय् नापलानाच्चन ।

छकःनिकः छँय् वनेबलय् नं न्यानाच्चनी – ग्व छु च्वयाच्चन, गबलय् पदिनी ? उलिं हे जक ला ? मेगु सफू पिहाँ वइमखु ला ? जिं सफू प्रकाशनया आर्थिक समस्यायात कुले, वय्कलं ध्वाथुइकादी – नेपालभाषा च्वइपिनिगु थ्व मकाः समस्या, अथे नं पिथनाच्चनी, समस्या धकाः च्वनाच्चंसा सुनां नं सफू धइगु हे पिथनीमखु का भीगु भासं । वय्कःया माया, स्नेह, तं व धुरकि, थ्व दक्कं जितः वासः खः । उकिं हे जितः म्वाकातल ।

वय्कलं अंग्रेजी च्वइम्ह धकाः जितः अतिकं मतिना यानादी । वय्कःया पुलांगु आग्रह व हे – नेपालभाषा साहित्य तसकं च्वन्त्याःसां थुकिया अनुवाद अंग्रेजी भासं जुयामच्चंगुलिं थुकिया

अन्तर्राष्ट्रियकरण मजुयाच्चन, दक्कस्यां मिलेचलेजुयाः अनुवाद याय्माल । अले वय्कलं अस्कर सिरपाः काःपिनिगु दसु न्त्यब्वयाः भीगु साहित्ययात नं अंग्रेजीयात अनुवाद याय्माल वा याकेमाल धकाः जोड बियादी । अथे हे थी थी देसं पिदंगु अंग्रेजी सफू अले अंग्रेजीयात थःथःगु मांभासं अनुवाद यानाः समाजयात लाभान्वित याःगु तःगु हे प्रसंग नं न्त्यब्वयादी । छकः नोबेल पुरस्कार काःम्ह चीनिया लेखकया अंग्रेजी अनुवाद सफूयात नेवाःभासं हीकि धकाः छ्मू सफू नं जितः ज्वंकादीगु । जिं कुतः यानागु नं

खः, तर जिं व ज्या पुर्वकमफुत । व ई धइगु प्रो माणिकलाल श्रेष्ठया थी थी विषयया बिचाःयात अडियो आरकाइभ दय्केगु ज्याय् च्वमि शाक्य सुरेनजु व जि तक्थनाच्चंगु ई । थन थाय् हे व थें हे महत्वपूर्ण व्यक्तित्व सत्यमोहन जोशीयागु खँ नं आरकाइभ दय्केमाः धइगु सुभावा वल । खँ पाय्छि खः, याय्माःगु हे खः । जिमिसं भिजुअल हे दय्केगु मतिइ तथा । तर वय्कःयाथाय् अन तक वनाः प्रस्ताव तयगु गथे यानाः ? मच्च्य दनाः घौछि धयाथें खँ कनेत थाकु मचाइम्ह क्यामरा खनकि मछाली धइगु जिमिसं अनुमान याना । अथेसां प्रस्ताव च्वनाः वना । न्हापा ला मछिं ताय्कादिल, लिपा सहमत जुयादिल । व नं थःगु जीवनीया बारे नवाय्मखु, बरु थम्हं स्यूगु ताःगु खँ कने धकाः । सुरेन दाइया प्रयासं धाय्माः, वय्कःयात तयार याना । जिपिं निम्हस्यां जानाः हे विषय क्वःछिना, अले उकियात संस्थागत रूप बिया, डा. पुष्पराज राजकार्णिकारया नेतृत्वय् छ्मू पुचः दय्काः । आः मतिइ वइ, छ्मू ऐतिहासिक ज्या जूगु दु सकसिया मकाः कुतलं । मेमेगु नं वय्कः पाखें काय्माःगु यक्व दु जुइ, तर महासागरया छुफुति लःथें १० घौ तःहाकःगु वय्कःया भिजुअल आरकाइभ तयार जुल । तर जीवनीया अन्तय, अथे धइगु खुला ति न्त्यः, वय्कलं जिगु बारे नकारात्मक धारणा दय्कादिल खनी । सुनां मस्यु जिगु व्यक्तिगत जीवनीया निर्णययात कयाः वय्कःया न्हाय्पं जाय्कः वन जुइ, जिं अथे याय्मच्च्युगु धकाः मतिइ तयादिल धइगु न्याना । खतुं अथे धकाः जितः कम्हेस्यां नं थम्हं स्यूगु सत्य कना ला दित, तर जिं अतिकं हनाबना तयातयाम्ह मनु जि खनाः नुगलय् स्याक्कूगु जितः सत्य मजुल । जि थः हे स्वयम् वनाः स्पष्टिकरण बीगु मतिइ तथा, तर गबलें जि मलाः, गबलें वय्कः म्हुंमफु जुयाः उलिं जिं याय् मखन । थनथाय् धाःसा जिगु नुगः हीसे हे च्वनाच्चनीगु जुल । वय्कःया सुगति कामना यानाच्चना ।

सम्पादकीय



सत्यमोहनयात म्वाकातय्

सत्यमोहन जोशी, छम्ह व्यक्ति मखु, छ्मू संस्था हे धाःसां ज्यू । नेपाःया धर्म, संस्कृति, सम्पदाया विषयस इन्साइक्लोपिडिया हे धाःसां ज्यू । थौं वय्कःया शरीर भी दथुइ मन्त । वय्कलं थःगु नस्वर देह त्याग यानाः मेगु लोकय् भाय्धुंकेल । सुखावति भुवन धा, वैकुण्ठ धा वा कैलाश धा, भीसं खंगु लोक मखु तर, सत्यमोहन बांलाःगु थासय् लाय्मा । भीसं थ्व हे मन्तुने, थ्व हे कामना याय् ।

सत्यमोहन जोशी १०३ दँया उमेर मन्त । थ्व उमेर धइगु छम्ह मनुया जीवनया खँय् असाधारण हे खः । अथेसां भीत ला भी सत्यमोहन दाई, भी सत्यमोहन बाः अभ्र म्वानाच्चूसा ज्यू थें जूगु ला खः नि । तर नियतीयात थ्व खँ मञ्जुर मदय् धुंकेल खनी । यंकल, भी दथुं वय्कःयात । आः थ्व धुंकाः भीसं वाडमय शताब्दी पुरुष, संस्कृतिविद्, डा. सत्यमोहन जोशीयात भी दथुइ म्वाकातय्गु खः कि मखु धइगु खँय् गम्भीर जुयाः बिचाः याय्माः । सत्यमोहन जोशीया नां जक कयाच्चनः वय्कः अमर जुइमखु । वय्कःया सम्मानय् देय् ध्वाँय् बछि क्वछुकाः जक नं जीमखु । सत्यमोहन अमर जुइमा धकाः नारा थ्वय्काः नं जीमखु । वय्कःयात अमर दय्कातय्गु खःसा, सत्यमोहन म्वाकातय्गु खःसा वय्कःया पदचापयात लीमाल । नेपाःया धर्म, संस्कृति, परम्परा, सम्पदाया अध्ययन अनुसन्धानया ज्यायात न्हूगु पुस्तां न्त्याकेमाल ।

विशेष यानाः सत्यमोहनया क्षेत्र धयागु लोक साहित्य व लोक संस्कृति हे खः । लोक परम्पराया अध्ययन अनुसन्धानयात व्यवस्थित रूपं न्त्यःने यंकेत, थुकी न्हूगु पुस्ताया उपस्थिति अप्वय्कार्यकेगु हे ताः तयाः लोक साहित्य परिषद् गठन यानादिल । उगु हे परिषदात वय्कलं थःगु छँ हे बियाः थौं कन्हय् उगु थासय् लोक साहित्य परिषद्या भवन धस्वानाच्चंगु दु । खतुं नां छ्मू जक स्वानाः सत्यमोहनया तःधंगु सम्मान जुइगु ला मखु, अथेसां थुगु भवनया नां सत्यमोहन लोक साहित्य परिषद धकाः तःसा नेपाःया लोक परम्पराय् सत्यमोहनया योगदानयात म्वाकातय्त धाःसा यक्व ग्वाहालि जूवनी ।

उकिया नापं, परिषदपाखें हे न्हून्हूगु ज्याइवःत हयाः लोक परम्पराया अध्ययन अनुसन्धान, लेखनया ज्यायात तीव्रता बीमाःगु खनेदु । थःगु जीवनकालय् जीवित संग्रहालय हे जुयाच्चंम्ह सत्यमोहनया बारे अभ्र नं गुलिखय् खँत प्रकाशय् मवःनि जुइफु । वय्कःया थीथी किपालिसें वय्कःलिसे सम्बन्धित थीथी सामग्रीत छथाय् मुंकाः सत्यमोहन संग्रहालय दय्केमाःगु खनेदु । सत्यमोहनया बारे प्रकाशय् मवःनिगु थीथी खँयात लिपिवद्ध यानाः सकसिगु न्त्यःने हय्गु ज्या नं याय्माःगु खनेदु ।

आःया पुस्तां थज्याःगु थीथी ज्या यानाथकूसा लिपाया पुस्तां सत्यमोहन व वय्कःया योगदानयात म्हासीकेफइ अले मेगु पुस्तां नं सत्यमोहनयात अमर दय्कातइ धइगु खँ विश्वास याय्फइ ।



अनिच्चावत संखारा.....



बुदिं

वि.सं. १९७७ बैशाख ३०



मदुगु दिं

वि.सं. २०७९ असोज ३०
ने.सं. १९४२ कौलागाः षष्ठी

थुगु दबूया मू संरक्षक वाङ्मय शताब्दीपुरुष डा. सत्यमोहन जोशी आकाभाकां मदुगु खँ न्यनाः दबुली आवद्ध सकल जःपिं मर्माहत जूगु दु । थुगु संस्था नीस्वसानिसं हे संस्थायात च्वन्त्याकेगु नितिं वय्कःपाखें ज्वःमदुगु योगदान बियादीगु लुमंकाः वय्कःया सुखावति भुवनस बास लायेमा धइगु मनंतुना । लिसं दुःखकःपिं सकल छँजःपिसं अनित्य संसारयात लुमंकाः नुगः ची फयेमा धकाः बिचाः हायेका च्वना ।



दया शाक्य
पोर्टल्याण्ड, अमेरिका
संरक्षक

हलिं नेवाः दबू

बिचाः हायेका



बुदिं

वि.सं. १९७७ बैशाख ३०



मदुगु दिं

वि.सं. २०७९ असोज ३०
ने.सं. १९४२ कौलागाः षष्ठी

थुगु एकेदेमिया न्हापाम्ह कूलपति वाङ्मय शताब्दीपुरुष डा. सत्यमोहन जोशी आकाभाकां मदुगु खँ न्यनाः जिपिं तसकं मर्माहत जुयागु दु । वय्कःया सुखावति भुवनस बास लायेमा धइगु मनंतुसं दुःखकःपिं सकल छँजःपिसं अनित्य संसारयात लुमंकाः नुगः ची फयेमा धकाः बिचाः हायेका च्वना ।



यज्ञरत्न धाख्वा
कूलपति

नेपालभाषा एकेदेमि



अनिच्चावत संखारा.....



बुदिं

वि.सं. १९७७ बैशाख ३०



मदुगु दिं

वि.सं. २०७५ असोज ३०
ने.सं. ११४२ कौलागा: षष्ठी

थुगु गुथियात नीस्वना इलनिसें हे मा:बलय् मा:कथंया
सल्लाह सुभावा बिया: ग्वाहालि यानावयाचवनादीम्ह
वाडमय शताब्दीपुरुष डा. सत्यमोहन जोशी
आकाभाकां मदुगुलिं गुथिया सकल ज:पिनि नुग: मछिं ।
वय्क: सुखावति भुवनस बास लायेमा लिसें दु:खक:पिं सकल छँज:पिसं
संसारया अनित्यतायात लुमका: नुग: ची फयेमा धका: बिचा: हायेका चवना ।

सुर बहादुर श्रेष्ठ
नाय:

न्हूज: गुथि

बिचा: हायेका



बुदिं

वि.सं. १९७७ बैशाख ३०



मदुगु दिं

वि.सं. २०७५ असोज ३०
ने.सं. ११४२ कौलागा: षष्ठी

हलिया नेवा:तय्त छधी याय्गु तातुनां न्ह्यज्यानाचवंगु थुगु दब्यात
स्थापनाकालनिसें हे सल्लाह सुभावा बिया: ग्वाहालि यानावयाचवनादीम्ह
वाडमय शताब्दीपुरुष डा. सत्यमोहन जोशी आकाभाकां मदुगुलिं हलिया हे
नेवा:त जक मखु सकल नेपा:मिपिं हे मर्माहत जूगु दु ।
नेपा:या कला, साहित्य व संस्कृति ख्यलय् ज्व:मदुगु योगदान बियादीम्ह
वय्क: सुखावति भुवनस बास लायेमा धइगु मनंतुना ।



सुरेन्द्र भक्त श्रेष्ठ
नाय:

हलिं नेवा: दबू नेपा: देय् मूकव:

हनेबहम्ह सत्यमोहन जोशीजुनाप अन्तिम खँल्हाबल्हा



दया शाक्य, अमेरिका संरक्षक, हलिं नेवाः दबू

कोरोनाया हुनिं नेपाः वय्यु ज्याइवः लिपा लानाच्वंगु इलय् ने.सं. ११४११ जे थःगु इतुंबहाः सर्वसंघया जन्मय् छकः वङ्गु गुंला लछिया तुतः ब्वनेगु व निवाःतक बहिद्यः ब्वय्यु, गुकिया पाःया थाकुलि कथं थुगुसी ने.सं. ११४२ दँ क्यंगु इलय् थःगु जन्मभूमि लिहां वय्खन। गुंला माहिनाया पारुनिसें न्ह्याइगु तुतः ब्वनेगु व गुंला बाजा थानाः स्वयम्भू वनेगु परम्परा इतुंबहाःया छू शान हे जुयाच्वंगु इलय् गुंलाया दुतियाकुन्हु दकले न्हापां शताब्दी पुरुष गुरु सत्यमोहन जोशीजु नि नापलाः वना, वय्कःया निवासस्थानस। ताः ई दय्धुंकुगु जुयाच्वन वय्कः इलिपिलिं म्हं मफयाच्वंगु। उकिं लासाय् हे खःतुलाच्वंगु अवस्थाय् नापलाय् खन। अभिवादन लिपा बुलुहुं दनादिल अले सः न्यनाः अःपुक हे म्हसीकाः दया ला धकाः धयादिल।

वय्कःया स्मरण शक्ति उगु उमेर्यु नं तिखर तेलाःगु जुयाच्वन। न्ह्यःने वयाच्वंगु हलिं नेवाः दबूया प्यक्वःगु तःमुँज्या अमेरिकाया न्यूयार्क शहरय् जुइत्यंगु बुखँ न्यकाः वय्कःया छुँ सन्देश काय्यु कुतः यायां छुँ ई लिपा



हलिं नेवाः दबूया छू मुँज्याया इवल्य वाङ्मय शताब्दीपुरुष डा. सत्यमोहन जोशीजुलिसे सहलह।

न्ववानादिल। नेवाःतय्युसं कुरिखनेगु जक मयाःसे, नेवाःतय्यु निरतिं जक मखु, देशया निरतिं छुँ याय्माः धङ्गु भावना पिज्वय्माः धयादिल। उकिं भीसं नेवाः जक धयाच्वनेगु मखु, नेपाः देय्यात हे प्रतिनिधित्व यानाः न्ववाय्माः धासें छू न्यूज पोर्टल्य पब्लिस जूगु वय्कःया अन्तिम ईया खँल्हाबल्हाया लिधंसाय् च्वयातःगु च्वसु क्यनादिल। नापं हलिं नेवाःया प्यक्वःगु तःमुँज्याया सफलताया कामना नं यानादिल।

वयां लिपा लोक साहित्य परिषदया भवनया अंगलय् निर्माणाधीन चक्रसम्बरया पौभाः किपा



च्वमिया सफू बन्दिपुरया नेपालभाषा वाङ्मय शताब्दीपुरुष डा. सत्यमोहन जोशीयात लःल्हासें।

पूमवनिं, छकः स्वया बिज्याहुँ धकाः इनाप यानादिल। तयार जुयाच्वंगु चक्रसम्बरया किपा परिषदया अंगलय् छाय् च्वकेबिल धङ्गु खँ भीसं गम्भीर जुयाः बिचाः याय्माः। थ्व किपा अथेथथे जुल कि तने नं फु धङ्गु मन्तुनाः अंगलय् च्वकेबीगु ग्वासाः ग्वयादीगु लाकि लोक साहित्य परिषद भवन निरन्तर रुपं धस्वानाच्वनेमा धकाः

पुलापुलांगु गुम्बाया अंगलय् च्वयातःथे संबरया दर्शन याय्त विदेशी मनूत लोक साहित्य परिषद भवनय् दुहांवइ धङ्गु आशा खः। थ्व वय्कःया दुरदर्शिता खः, मनन् याय् योग्य जू।

वय्कःया हरेक हसनायात मनय् तयाः बिदा कयाः लिहांवया। वय्कः मदुगु बुखँ न्यनाः जिगु नुगः तसकं ख्वयाच्वंगु दु। छम्ह सिद्धहस्त नेपाःमि भीगु संसारं तापाकक वनाबिल। वय्कःया दकले न्हापां सन् १९७६ (ने.सं. १०९५) स ने.रा.प्र.प. या २५ दँ बुदिपाखे नापलाःगु खः। वयां लिपा तःक्वःमछि नापलाय्खन।

अमेरिका वय्धुंकाः फोनमार्फत स्वापू दयाच्वंगु खः। हलिं नेवाः दबूया स्थापनाकालनिसें हे धङ्गु वय्कः सतिनाच्वंम्ह छम्ह आदर्श पुरुष खः। उगु इलय् वय्कः लन्डन भायाः हःपाः बियाद्युगु खः। अनं लिपा ल्दु या थीथी कथंया ज्याइवल्य मूपाहां जुयाः हःपाः बियादिल। सन् २०१८ या मार्चया अन्तिम दिनय् हलिं नेवाः न्हि ९६यचमि ल्भधबज म्बथ० घोषणा याय्त मू पाहां जुयाः हःपाः बियादिल। स्वक्वःगु हलिं नेवाः तःमुँज्याय् नं मूपाहां जुयाः दुयंगु सरसल्लाह बियादिल। थथे तःक्वःमछि वय्कः नाप स्वापू दयाच्वंगुलिं वय्कलं थःगु नस्वर शरीर त्याग यानाः भाल धाःगु बुखँ सामाजिक संजालय् खंबलय् विश्वास हे याय्मफुत। जि तसकं हे मर्माहत जूगु दु। उकिं नुगः मछिंकाः दुनुगलनिसें श्रद्धान्जली प्वकुसें सुखावति भुवनस बास लाय्मा धकाः मन्तुसें वय्कःया गुण स्मरण यानाः छ्यं क्वछुनाच्वना। भवतु सब्ब मंगल।

सत्यमोहन जोशी

(नेपाः देय्या वाङ्मय सताब्दी पुरुष व भाषारत्न म्दुम्ह भी सत्यमोहन जोशी सच्चिदं थ्यंगुया लसताय् लोककवि राजभाइ जकःमिजुं च्वयाः हालादीगु थ्व सत्यमोहन जोशी नांगु कविता-म्ये थन न्ह्यब्वयाच्वना। - सम्पादक)



लोककवि राजभाइ जकःमि

सत्यमोहन आजु खः भी राष्ट्रया अभिभावक भीम्ह नेवाः काय्मचा व न्हूगु युग संवाहक।

भीगु सुन्दर यल नगरया बखुँ बहालय् बूम्ह व ख्युंगु राणा काल दुने हे थःत च्याकाः लूम्ह व राजनैतिक मखु व प्राणी तर व भी जननायक सत्यमोहन आजु खः भी राष्ट्रया अभिभावक।

भीगु मादेय्, भीगु मांभाय् थःगु जीवन ताःम्ह व सच्चिदंय तक बैस थ्यन नं सिंग थें धस्वाःम्ह व खः व खः 'वाङ्मय सताब्दी पुरुष' खः भी गौरव सत्यमोहन आजु खः भी राष्ट्रया अभिभावक।

जन-बलं 'नेपाल भाषा एक्यडेमी' स्वम्ह व देसया थीथी विभागय् उच्च दर्जाय् थ्यंम्ह व प्राज्ञ-पथया वीर न्ह्यलुवाः ज्ञान-गुणया सागर सत्यमोहन आजु खः भी राष्ट्रया अभिभावक।

लोक संस्कृतिया धरोहर भी नुगःया स्वप्न व मान-पदवीं छाति जाःम्ह भीम्ह 'भाषा-रत्न' व पिने व क्यातुसे, पिचुसे, नाइसे दुने अदम्यगु साहस सत्यमोहन आजु खः भी राष्ट्रया अभिभावक।

'जयप्रकाश' व 'अरनिको' महा-काब्य तक हे च्वःम्ह व भीगु नेवाः जाति-पौरख न्यकं हलिमय् ब्वःम्ह व 'मदन सिरपाः' हे स्वकः तक काःम्ह तपसी साधक सत्यमोहन आजु खः भी राष्ट्रया अभिभावक।

अन्धकार हुयाः मछ्वःतले मिरमिरिं सुथ ल्वी मखु भीगु देस नस्वाः मवःतले 'सत्य-स्वा' इवाः ज्वी मखु काब्य, प्याखं, च्वखँ व बाखं फुक ख्यलय् पारंगत सत्यमोहन आजु खः भी राष्ट्रया अभिभावक।

वैगु भिंगु नुगः लुमकाः वैत जुगजुग तक हने वैगु हे हःपाः कयाः भी वैगु लँय हे न्ह्याः वने छायापियाः 'नेपाल रत्न' वैत याय् अफ ब्यापक सत्यमोहन आजु खः भी राष्ट्रया अभिभावक।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरीङ पनि गरिन्छ।

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



(घ) शेयर त्यासा

(ङ) मुद्दी रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछँ, पाको, न्हूसतक, येँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

लोकसाहित्य परिषदय् राजित बहादुर श्रेष्ठया नेतृत्व



ल्यःगु दु ।

परिषदया छ्याञ्जे धर्मकृष्ण श्रेष्ठ, ल्यूह्याञ्जे किरणकेन रजित, दांभरिं बासुदेव श्रेष्ठ व ल्यूदांभरिं मोहनदेबी महर्जनयात ल्यःगु दु ।

अथेहे दुजलय् निर्मला श्रेष्ठ, बिमलप्रभा बज्राचार्य, राजेन्द्र रजित, शान्तराज शाक्य, देबकी श्रेष्ठ, यमुना श्रेष्ठयात ल्यःगु दु ।

परिषदया तःमुँज्यां निवर्तमान नायः प्रा. प्रेमशान्ति तुलाधरयात संरक्षक क्विछिउगु दु । ल्यज्या जुइ न्ह्यः जूगु ज्याइवल्य काजिमान डंगोल, नारद बज्राचार्य, विमलप्रभा बज्राचार्यपिंसं नुगःखँ तयादीगु खः ।

लोकसाहित्य परिषदया अध्यक्ष न्ह्यु ज्यासना पुचः ल्यःगु खःसा उगु राजितबहादुर श्रेष्ठयात ल्यःगु दु । ल्यज्या जुइ न्ह्यः जूगु ज्याइवल्य काजिमान डंगोल, नारद बज्राचार्य, विमलप्रभा बज्राचार्यपिंसं नुगःखँ तयादीगु खः ।

न्यत अजिमाया प्याखं तलेजुइ

न्यतभलु अजिमाया प्याखं भिर्निदँया जात्राया इवल्य हनुमानध्वाराया तलेजुइ हुइकूगु दु । न्यतभलु अजिमाया प्याखं दँयदसं पाहांचःहे नखःया इलय् न्यत दबुलिइ क्यनेगु याना वयाच्वंगु दु । पाहांचःहेया दिनय् बहर्निनिसं कन्हय्कुन्हु न्हिछियंकां प्याखं क्यना वयाच्वंगु दुसा न्यत अजिमाया भिर्निदँया जात्राया इलय् नं न्यत दबुलिसें थीथी थासय् क्यनेगु याना वयाच्वंगु दु ।

थ्व इवल्य सोमवाः बहनी व मंगलवाः सुथय् तलेजु घःया न्ह्येने त्रिशुल चोकय् प्याखं हुइकी सा कार्तिक २ व ३ गते वसन्तपुरया कुमारि छँया न्ह्यःने दबुलिइ व्याखं हुइकीगु जूगु दु । न्यत अजिमाया घः छँय् नं सांस्कृतिक बाजलिसें घःगिछिं पिहां वयाः त्रिशुल चोकय् थ्यंकाः प्याखं क्यनीगु ज्याइवः दु । प्याखं क्यनेगु इवल्य मंगलवाः कुन्हु सुथमाजु



(करुणामय)यात बिज्याकाः निन्हुया प्याखं क्यनी ।

भिर्निदँया प्याखं क्यनेगु इवल्य महाघःलिसें गणेश व कुमारयात नं ब्वनाः प्याखं क्यनी ।

न्यतमरु अजिमाया प्याखनय् ब्रम्हायणी, रुद्रायणी, इन्द्रायणी, नारायणी, महालक्ष्मी, बाराही, कुमारि,

श्वेतकाली आदिया प्याखं क्यनेगु यानावयाच्वंगु दु ।

प्याखंया इवल्य चण्डासुर दैत्य, दैत्य व कुमारिया युद्ध, महाघःयाके वरदान फवनेगु, दैत्य संहार प्याखं न्ह्यब्वइगु न्यत अजिमा जात्रा व्यवस्थापन समितिं जानकारी बिउगु दु ।

मेयर व उपमेयरयात न्हूदँ समारोहया ज्ञापन पौ

नेपाल संवत् न्हूदँ राष्ट्रिय समारोह समिति ११४३ ब्यवस्थापन समितिया दुजःपिंसं वंगु बुधवाः यँ महानगरपालिकाया मेयर बालेन शाह व उपमेयर सुनिता डंगोलयात नापलानाः ध्यानाकर्षण पौ लःल्हाःगु दु । समारोह समितिया नायः प्रा.डा. नरेशमान बज्राचार्यया नेतृत्वय् वंगु पुचलं बिस्कं बिस्कं मेयर शाह व उपमेयर डंगोलयात नापलानादीगु खः । थथे नापलायेगु इवल्य मेयर शाह नं समारोह समितिं ब्यूगु ज्ञापन पौ लःल्हाना कासें ध्यानाकर्षण पतिइ न्ह्यथनातःगु नेपाल संवतयात कयाः यायेमाःगु सकतां ज्या यँ महानगरपालिकां यायेगु बचं बियादीगु खः ।

वय्कलं नेपाल संवत् नेपाःया मौलिक संवत् जूगुलिं थुगु संवत् नेपाःयात म्हसीका बियाच्वंगु विचाः नं प्वकादीगु खः।अथेहे, उपमेयर डंगोल नं समारोह समितिया दुजःपिं नापलायेगु इवल्य नेपाल संवतयात

कयाः यँ महानगरपालिकां उच्च सम्मान यायेगु कथं ज्या यानायंकेगु बचं बियादीगु खः । समारोह समितिं न्ह्यब्वःगु ध्यानाकर्षण पतिइ महानगरपालिकां न्हूदँया लसताय् तःजिक नगरबासीपिन्त भिंतुना देछायेगु नितिं भिंतुना विज्ञापित पिथनेगु, महानगरस्तरीय भिंतुनाकालाबिल ज्याइवः यायेगु, महानगरपालिकाया कार्यपालिका बैठकया निर्णय पुस्तिकाय् नेपाल संवत् च्वयेगु, नेपाल सरकारनाप शंखधर प्रतिष्ठान दयेकेगु नितिं महानगरपालिकां पहल यायेगुलिसेंया थीथी खँ न्ह्यथनातःगु दु।थुगु दँया न्हूदँ ११४३ कछलाथ्व पारु (कार्तिक ९ गते) समारोह समितिं दँय् दसथें सुथय् ७ ता इलय् बसन्तपुर भिंतुना च्याली व च्याली लिपा भिंतुना सभा यायेत्यंगु दु ।अथेहे, समारोह समितिं न्हूदँया भिंतुना सभा व च्याली तःजिक हनेगु नितिं थीथी तयारी यानाच्वंगु दु ।

वाडमय ...

सत्यमोहन जोशीया जाः धाथें च्वय् लाः । थुकी सुनां पाःगु बिचाः तइमखु जुइ । तर सत्यमोहन जोशीया पार्थिव शरीर प्रज्ञा भवनय् तय्मफुत, छाय् खः ? सत्यमोहन जोशीया महायात्राया खँ ल्हाय्गु खःसां नं अन सी बाजं छू थाकेमफुत । सनां वीपिं गुलिखे उच्च पदस्थ मन्तयूसं जोशीयात अन्तिम विदाइ न्यासि वनाः बीमफुत । सनां वनीपिनिगु ल्याः द्रलंद्रः दइ, यक्व हे मन्तयूसं जोशीया अन्तिम यात्राय् साथ बी धकाः बिचाः याःगुलिइ व कथंया मन्तयु उपस्थिती नं खनेमन्त, दुपिं नं अप्वः थे गाडीइ च्वनाः वन । उलि जक मखु, सनां वीपिं लसताया भाव खनेदइ कथं न्हिलाः सेल्फी व विल्फी कयाः सामाजिक संजालय् पोस्ट यानाच्वन । थज्याःगु ज्यां गुकथंया सन्देश वनी धकाः ध्यान बी मफूगु खनेदत ।

अनं वय्कःया महाप्रस्थानया खँ ल्हाय्बल्य जातः हे जक च्याकूगु खःसां व अन्तिम ईयात थुकथं औपचारिकता थें स्वम्ह जक च्वनाः थुकथं सिधय्केगु ज्या नं शताब्दी पुरुषया व्यक्तित्वया अपमान जूगु थें खनेदत । नेवाःतय् दिवंगत आत्माया कैलाश यात्रायात उत्सवया रूपं याइपिं खः । सापारु धयागु हे थ्व हे खः । व ल्याखं छू कार्यक्रम दय्काः जोशीया अन्तिम विदाइया थ्व ईयात

नं छू उत्सव कथं याय्माःगु खः । औपचारिकता जक पूर्वकें थें जातः च्याकल, सिधल मयाःसे जातःयात हे जूसां कूतालय् तयाः सिथं यंकेगु, विधिवत रुपं मि तय्गु ज्या जुइमाःगु खः, व जुइमफुत । थ्व खँय् परिवार स्वयां सम्बन्धित खलः पुचःतयूसं ध्यान बी फय्केमाःगु खः । जोशीयात मू पाहां दय्काः उलिमछि संस्थां सःतूगु दु, उलिमछि संघसंस्थां जोशी मफयाच्वंगु अवस्थाय् नं बखुबहालय् छँय् हे वनाः निरन्तर कार्यक्रम याःवनाच्वन । आः वय्कः मदय्धुंकाः स्वां छप्वः छाय् धुनेवं सकसिगु जिम्मेवारी पूवन ला ? नेपाःया संस्कृति, सम्पदाया अध्ययन, संरक्षणया ख्यलय् उलिमछि योगदान दुम्ह राष्ट्रिय व्यक्तित्वयात नेपाःया ध्वँय् छू फाय्केधुनेवं राज्यया जिम्मेवारी पूवन ला ?

छू यूगया अन्त्य जूगु दु । बाडमय शताब्दी पुरुषया शरीर थौं भूगु दथुइ मन्त । तर वय्कःया अन्तिम इलय् राज्यालिसं नेवाः खलः पुचलं गुकथंया व्यवहार क्यन, उकिं वय्कःया विचारयात थन सुनां आत्मसाथ यात धइगु न्ह्यसः दंगु दु । यदि सत्यमोहन जोशीयात भीसं सदां म्वाकातय्गु खः, वय्कःया योगदानया बारे मेगु पुस्तायात नं सीके बियातय्गु खःसा भीसं वय्कःया विचारयात म्वाकातय्माल, वय्कःया पलाख्वाँय्यात ली फय्केमाल ।

अनिच्चावत संखारा.....



बुदिं

वि.सं. १९७७ बैशाख ३०



मदुगु दिं

वि.सं. २०७९ असोज ३०
ने.सं. १९४२ कौलागाः षष्ठी

थुगु दबूया मू संरक्षक वाडमय शताब्दीपुरुष डा. सत्यमोहन जोशीजुं थुगु संस्था नीस्वसानिसं हे संस्थायात च्वन्त्याकेगु नितिं माःगु इलय् माःकथं ग्वाहालि यानाः ज्वःमदुगु योगदान बियादीगु लुमंकाः वय्कःया सुखावति भुवनस बास लायेमा धइगु मनंतुना च्वना लिसें दुःखकःपिं सकल छँजःपिसं अनित्य संसारयात लुमंकाः नुगः ची फयेमा धकाः बिचाः हायेका च्वना ।



सिजन श्रेष्ठ,
बाल्टिमोर, अमेरिका
निवर्तमान नायः

हलिं नेवाः दबू

हरेक मंगलवार

राष्ट्रियताको लागि समर्पित



मेरो साप्ताहिक
मना साप्ताहिक Mero Saptahik

मालाः मालाः ब्वनादिसं ।

बजार अनुगमनयात निरन्तर बिड्गु



यै महानगरपालिकां बजाः अनुगमनयात निरन्तरता बीगु जूगु दु। मोहनि नखःयात लक्षित यानाः न्ह्याकूगु बजाः अनुगमन स्वन्तियात नं लक्षित यानाः न्ह्याकीगु जूगु दु। लिसैं महानगरं स्वन्त लक्षित नापं नियमित निगुलिं कथंया बजाः अनुगमनयात नं निरन्तरता बीगु जूगु दु।

यै महानगरया उपप्रमुखालिसैं बजाः व्यवस्थापन नाप उपभोक्ता हित संरक्षण समितिया संयोजक सुनिता

डंगोलं मोहनि नखःयात लक्षित यानाः जूगु बजाः अनुगमनया समीक्षा बैठकय् न्वासें अनुगमनया प्रभावकारिताया नितीं यै महानगर बजार व्यवस्थापन तथा अनुगमन ऐन, २०७७ या व्यवस्थाकथं महानगरया बजाः अनुगमन निरीक्षक क्वःछीगु खँ धयादीगु दु।

सन्तुलित बजाः व्यवस्थापन अनुगमनया लिच्वः बांलाःगु वड्गु अपेक्षा यासें उपप्रमुख डंगोलं स्वच्छ

बजाःया नितीं योगदान याइपित व्यापारय् प्रोत्साहित यायेमाःगु खँय् बः बियादिसैं अनुचित ज्यायाइपित कडा निगरानी तयेमाः धयादिल।

बजाः अनुगमनया नितीं वाणिज्य विभागपाखें निरीक्षण अधिकृतया अधिकार प्रत्योजनया नितीं अधिकारीया नां फक्व याकनं सिफारिस यानाः छ्वयेगु प्रक्रिया याकनं न्ह्याकेत नं वय्कलं अधिकारीपित इनाप यानादिल। उपप्रमुख डंगोलं प्रक्रियाया विषयलिसैं एकीकृत बजाः अनुगमनया खँय् बः बियादिसैं अनुगमनय् व्यवसाय दर्ता, नवीकरण स्वयेगु नापं व्यवसाय दर्ता यानाः व मयासे संचालन यायेबलय् छु गज्याःगु जरिवाना जुइ धइगु सूचना हरेक व्यवसायीयात जानकारी दइकथं प्रकाशन यायेत नं बः बियादिल।

उजयया पौभा सफू विमोचन



वरिष्ठ पौभाः कलाकार उजय बजाचार्यया पौभाः सफूया विमोचन जूगु दु। अक्षेश्वर महाविहार, यलय् जूगु विशेष ज्याइवलय् यल महानगरपालिकाया उपमेयर मंजली शाक्य बजाचार्य सफूया विमोचन यानादिल।

ज्याइवलय् न्वासें पौभाः कलाकार बजाचार्य करिब २५ दँया अनुभव व भिदँया मदिकक्या कुतः धुंकाः सफू पिकायत ताःलाःगु धयादिल। थुगु सफुतिं पौभाः कलाबारे जानकारी बीगु व न्हूगु पुस्तायात पौभाः कला सय्केत ग्वहालि जुइगु

धयादिल। नेपाल ललितकला प्रज्ञा प्रतिष्ठानया कुलपति के.के. कर्माचार्य थुगु सफुतिं पौभाः लिसैं हस्तकला ख्यःयात तिबः बीगु बिचाः तयादिल।

ज्याइवलय् हस्तकला महासंघया नायः प्रचन्द शाक्य, न्वक् दिल्लि रत्न तुलाधर, नविन शाक्य, यल महानगरपालिका १६ वडाध्यक्ष निर्मल रत्न शाक्य, हातेकागज संघया नायः किरण डंगोल, वौद्ध कला ईतिहास विज्ञ संजय शाक्य, वरिष्ठ कलाकारलिसैंया उपस्थिती दुगु खः। ज्याइवःया व्यवस्थापन अक्षेश्वर महाविहारं याःगु खः।

बिचाः हायेका



बुद्धि
वि.सं. १९७७ बैशाख ३०



मदुगु दिं
वि.सं. २०७९ असोज ३०
ने.सं. १९४२ कौलागाः षष्ठी

वाङ्मय शताब्दीपुरुष डा. सत्यमोहन जोशी

नेपाःया इतिहास, भाषा, कला, संस्कृति व साहित्य ख्यःया छगः थीगु नगु जुयादी।

थुज्वःमह ज्वःमदुमह व्यक्तित्वया अवसानं नेपाःमिपिं सकसितं नुगलय् थुदीगु दु।

थुगु दुःखया इलय् दुःखकःपिं सकल छँजःपिसं

अनित्य संसारयात लुमकाः नुगः ची फयेमा धइगु मनंतुसें

मदुमहेसिया सुखावति भुवनसं बास लायेमा धइगु मनंतुनाच्वना।

मोटिलाल शिल्पकार
बौद्ध समाजसेवी

चाडपर्वको संरक्षण र सम्बर्द्धन गरौं।

चाडपर्वमा फजुल खर्च नगरौं।

हाम्रा साँस्कृतिक पर्वहरूको जगेर्ना गरौं।

मद्यपान र जुवातासजस्ता

विकृतिको अन्त्य गरौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्तरीय गुणम स्वास्थ्य सेवा सर्वेको लागि, असाहायको लागि मात्र निःशुल्क"

उपलब्ध सेवा

२४सै घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

गल्यकिया

- मीतिभिन्
- ज्वरन घरेरी
- नाक हात घाँटी सम्बन्धि
- हाडजोर्नी तथा नासा सम्बन्धि
- स्त्रिया विरकार फिजिक क्लीनिक फन्ड सम्बन्धि

बहिरंग सेवा

- मुटु रोग
- फेट रोग
- पुरोलीजी
- हृदी रोग ● बाल रोग
- क्यान्सर रोग
- बल रोग
- आँखा रोग
- ज्वरन मेडिसिन
- चर्म तथा यीन रोग
- नाक कान घाँटी रोग
- ज्वरन ईन्ध वेक अग
- पाइरोडिड ● मधुमेह

अन्य सेवा

- छुस्ति
- इण्डोस्कोपी
- कोलोनोस्कोपी
- फिजियोथेरापी
- अन्तःसाध्यु, क्वर, इन्डर र इको
- पुरोथेनी सरको रक्त प्रयोगशाला
- टि.एच.टि. इन्टर

२४ घण्टा

इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९